

# 庶物類纂

蛇屬  
自四至五

容

|       |     |   |   |
|-------|-----|---|---|
| 太政官文庫 |     |   |   |
| 特別    | 和書門 | 類 | 號 |
| 三三六二  |     | 函 | 架 |
| 茅幸四番  |     | 冊 |   |
| 四六五   |     |   |   |

|      |          |
|------|----------|
| 內閣文庫 |          |
| 番號   | 和 32362  |
| 冊數   | 465(403) |
| 函號   | 特 54 . 1 |

四百六



Kodak Gray Scale



A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak







庶物類纂蛇屬卷之四  
龍

庶物類纂  
卷之四

龍

至正十五年七月，擣李城東馬橋上白龍掛，烈風性  
 雨闇黑如深夜，壞民居百餘所，大木盡拔，水自半空  
 墮下，悉折為二，雜以萬瓦，亂飛，溪水直立，人皆叫號，  
 奔走不暇。顧妻子，龍田馬橋，歷城北望大湖而去，有  
 聲如萬屋齊壓，四望黑雲，洶湧失府城所在。經一二  
 時，開霽，不一年為戟鬪之地。凡龍所過處，荊棘寒煙，  
 視昔日之繁華，頓如一。憂十七年六月，溫州有龍鬪，  
 於樂清江中，颶風大作，所至有光如晷，死者萬餘人。

八月祥符縣西北有青白二龍見若相鬪之勢良久不散二十三年廣西貴州江中有物登岸蛇首四足青色長四尺許軍民聚觀殺之二十四年六月保德州黃龍見咸寧井中二十七年皇太子寢殿新甃井成有龍自井出光焰燦人宮人震懼皆仆地又宮墻外長慶寺所掌成宗幹兒象內大槐樹有龍纏覆其上良久飛去樹皮皆剝七月益都臨朐縣有龍見龍山巨石重千斤者浮空而起二十八年十月大同路懷仁縣河岸崩有蛇大小相綰結可數車

文獻通考同

唐景隆八年鄭州三鴉口大水塞谷或見二小兒以水相沃湏更有大蛇約大十圍張口仰天人或斫射之俄而暴龍驟雨漂溺數百家

五行志同

元命包

龍無尺木無以升天聖人無尺土無以王天下  
龍無尺木無以升天謂龍從木中升天也蓋當電樹木擊之時龍適與雷電俱在樹木之側雷電去龍從而上故謂從樹木之中升天也

論衡

孫策署太史慈門

江表傳○明陳耀文天中

記

雜俎云龍頭上有一物如博山形名尺木龍無尺木不能昇天蓋杜撰也雅翼引之似誤同上

俱名國有商人驅八牛牧於澤中時有離車捕得一

龍云將食之商人以八牛易致取放別池中龍忽人

語邀入宮中有龍女與八餅金云此是龍金截已更

生足汝父母眷屬終身用之不盡法苑同上

貞觀十八年汶水縣天雷震雲中落一石下太如碓

背脊高腹平縣丞張孝靜奏聞時有西城磨伽陀菩

提寺長年師到西京頗推博識敕問之云是龍食二

龍相爭故落下耳同上

蜀縣令劉靜妻患病正諫大夫明崇儼論之曰須得

生龍肝食之必愈靜以為不可得儼乃書符乘風放

之上天頃臾有龍下入瓮水中剔取肝食之而差會載

春秋時周侯治滑久病目醫者曰得龍肝治之乃平

復捨此不可治周侯詢左右叱曰龍蟠帝城池中歲

旱禱皆有應屠而取其肝可笑侯令取之是日驚雷

怒風作化龍由南而去衝其城缺迄今城缺補之復

壞如故圖經同上

茅山龍池中其龍如蜥蜴而五色自昔嚴奉負觀中  
勅取龍子以觀御製歌送歸黃冠之徒競詫其神李  
德裕恐其惑世嘗捕而脯之龍亦竟不能神也

戎幕間談

○同上

大定六年熙州野外流水有龍見三日初于水面蒼  
龍一條良久而沒次日見金龍以爪托一嬰兒兒雖  
為龍所戲弄略無懼色三日金龍如故見一帝者乘  
白馬紅衫玉帶如少年中官狀馬前有六蟾蜍凡三  
時方沒郡人競往觀之相去甚迤而無風濤之害

陳明

繼儒太平清話

福龍優樂過逾於人薄福諸龍日苦熱沙搏身為諸  
小蟲之所啖食又如人間畜生驅策鞭打擔輕負重  
馳騁走使不得自在

明陳繼儒書蕉

唐太宗生於武功之別館時有慶雲見瀰漫數里上  
屬於天二龍戲於館門之外水中經三日乃去

事文類聚

○集事淵海

喜靖壬午七月二十五日予在迎鑿鎮是夜海風大  
作沿江林木合抱者皆摧拔夜半平地潮水忽高二

犬餘沿江舳艫廬舍皆漂溺父老相傳百年來無此異也時江中有火光閃爍聲轟然若萬馬馳焉竊疑水恠乘陰沴所為不知其為龍也後聞海邊人言龍躍處自有火光故醫書言相火為龍火以其變化叵測也又言龍經過之地水族皆噴濤浪隨沼沚罌盎中水皆跳躍故曰龍亦靈異矣哉段成式言龍頭上有一物如博山形名曰尺木龍無尺木不能昇天愚曾見終南山中老僧言凡龍不能昇天惟神龍能昇天蓋神龍能大能小變化不測乾卦九五飛龍在天

言神龍也其他潛龍困龍土龍蟄龍毒龍孽龍與夫古者董父所豢之龍劉累所御之龍張華所食之龍此皆凡龍也若是神龍則變化不測夫誰得而豢之御之而又食之也哉

明教英綠雲亭雜言○今獻景言

丙寅八月初十日雨晴舟中作書及留別詩謝明州諸君為詩酌方別駕詩成達曹娥驛渡江甚平往來不一遭其鐵面幸矣幸矣過曹娥遣方君舟人還買舟過陶家堰蒼龍挂南海中白日雷電甚靈恠舟中人皆倚柂而觀久之始滅

吳郡王擗登客越志○續說郭



畫龍者得神氣之道也。神猶母也。氣猶子也。以神召氣，以母召子，孰敢不致？所以上飛于天，晦隔層雲，下潛于淵，深入無底，人不可得而見也。古今圖畫者固難推其形貌，其狀乃分三停，九似而已。自首至頂，自頂至腹，自腹至尾，三停也。九似者：頭似牛，背似驢，眼似鰕，角似鹿，耳似象，鱗似魚，鬚似人，腹似蛇，足似鳳，是名為九似也。雌雄有別，雄者角浪凹，峭目深鼻，豁鬚尖鱗密，上壯下殺，朱火燁燁，雌者角靡浪平，目肆鼻直，鬚圓鱗薄，尾壯于腹，龍開口者易為巧，合口者

難為工，但要揮毫落墨，隨筆而生，筋骨神氣，佇出為佳。貴乎血目生，威朱鬚激水波，濤洶湧若奮風雲，鱗介藏烟鬚鬣，肘毛爪牙伏利，蛇蛭升降，鱗旋之間，噴其雨露，踊躍騰空，點其目則飛去，乃神筆之變化。昔張僧繇葉公則其人也。董羽畫龍輯議。明唐荆川裨編。○淮南子：馬聾，虫也。用脩以為奇語。按龍無耳，牛耳皆實，其聽皆以角，可稱聾。若馬則彼此能相語，何言聾也。明陳繼儒枕譚。四分律文中說：諸龍初生時睡，時嗔，時行，欲時不能

變形餘時皆能變形

明陳純儒  
珍珠船

有燕巢長數尺忽羣鳥翔集因毀巢有白雛飛出羣  
從去又有燕巢中有赤光毀之一赤龍子長尺許鱗  
甲皆具少頃騰躍而奔

同上

舊說鼈畏葱蛟龍畏鐵

明牛衷埤  
雅廣要

相人之書凡人得鳥獸之一形者皆貴大如龍鳳則  
大貴小如龜鶴猿馬之類亦莫不異於常人夫人為  
萬物之靈者也今乃以似物為貴耶此理之所必無

也

明謝肇淛  
五雜俎

龍性最淫故與牛交則生麟與豕交則生象與馬交  
則生龍馬即婦人遇之亦有為其所汚者嶺南人有  
善致兩者幕少女於空中驅龍使起龍見女即迴翔  
欲合其人復以法禁使不得近少焉雨已霑足矣  
王符稱世俗畫龍馬首蛇尾又有三停九似之說謂  
自首至膊膊至腰腰至尾皆相停也九似者角似鹿  
頭似駝眼似鬼項似蛇腹似蜃鱗似魚爪似鷹掌似  
虎耳似牛然龍之見也皆為雷電雲霧擁護其體得  
見其形者罕矣

同上

俗有立夏分龍之說蓋龍於是時始分界而行雨各有區域不能相渝故有咫尺之間而晴雨頓殊者龍為之也又云龍火與人火相反得濕則燄得水則燔惟以火投之則反熄此亦不知其信否也上同  
萬曆戊戌之夏旬容有二龍交其一困而墮地矢矯田間人走數百里競往觀之越三日風雷挾之而升上同  
司徒馬恭敏治河日於淮濟間得一龍蛻長數十尺鱗爪鬣角畢具其骨堅白如玉俗相傳云龍由蛟蜃

化者壽不過三歲上同

龍生九子蒲牢好鳴囚牛好音蚩吻好吞朝風好險  
睚眦好殺負屨好文狴犴好訟狻猊好坐霸下好負  
重此語近世所傳未考所出而博物志九種之外又有憲章好囚饕餮好水螭蜴好腥螻蚱好風雨螭虎好文采金狻猊好烟椒圖好閉口虬螭好立險鰲魚好火金吾不睡亦皆龍性淫無所不交故種獨多耳上同  
物之猛者不能相下如龍潛水中以虎頭投之則必驚怒簸騰洶出之乃已西域人獻獅子有繫井傍樹

者獅子徬徨不安少頃風雨晦冥龍從井中飛出是  
交相畏也上同

鳳麟皆無種而生世不恒有故為王者之瑞龍雖神  
物然世常有之人罕得見耳但以一水族而雲雨雷  
電風雨皆為之驅使故稱神也潛見以時大小互用  
上可在天下可在田故聖人獨以屬之乾道上同

椒圖圖蚘蚘夔夔霸霸下下鴟鴟吻吻嘲嘲風風蒲蒲牢牢蜥蜥蜴蜴囚囚牛牛虬虬蝮蝮  
狴狴犴犴睚睚眦眦饕饕餮餮蚘蚘皆皆龍龍子子者者因因一一二二而而傳傳會會也也以  
狻狻猊猊亦亦龍龍子子者者妄妄矣矣狻狻猊猊帶帶子子也也○升升菴菴云云龍龍生生九

子各有所好椒圖似螺螭好閉故立門上詞曲門迎  
駟馬車戶列入椒圖即謂此見菽園雜記陳無功曰  
尸子云法螺蚌而閉戶後漢書禮儀志殷以水德王  
故以螺著門戶此即鋪首也蚘蝮好負重今碑下獸  
鴟吻好望金屋上獸蒲牢好鳴今在鐘上蜥蜴好水  
今立橋上狴犴好訟今獄門上睚眦好殺今在刀上  
饕餮好飲食故立于鼎又曰蚘蝮好水立于橋柱蚘  
蚘好險故立于護朽上嘲風好險今殿角作之狻猊  
好烟火今在香爐囚牛好音今胡琴上形智按此多

庶物類纂卷四

蛇屬 龍

參、蚤亦後人附會也。霸下乃虬，螭、夔之轉，碑、趺象之。卽句、蟹類也。黃憲外史曰：嚮者，犴、豕之勞，則以豕為陞音，兵、犴是犬類，善守，非好訟也。虬，螭卽蜥蜴，蚘，蚘卽虬，螭升菴不能折衷而反爭，注蚘為舌折二音，邪蓋古多字有移後二音，故螭之咎音相近，蚘則虬字之訛耳。嘲風卽鴟吻，又或以為蚩，尾水物，可以厭火，亦係乎人之說耳。立于殿角者，亦名陽馬，此人象之而名也。卽如狻猊，豈盡龍之子乎？狻音酸，師子也。古師作弔，象獅形，黃省，曾以虬為獅子，說苑云：師曠

言駿驥食豹，駿驥卽狻猊，从犬从馬一也。然狻則可

讀俊。清方以智通雅

龍骨華，陽國志中江縣東二里三嵎山六屈三，起出龍骨，民掘取之。馬總唐年補錄曰：咸通末，孔威刺舒州，進龍骨一具，云桐城縣善政，御有胡舉者，言青龍鬪死於庭中，時四月尚右，繭箔在庭，忽雲雷暴起，雲中聞擊聲，血如雨洒繭箔上，血不汗，箔漸旋結，聚可拾置掌上，須臾令人冷痛入骨。龍既死，剖之喉有大瘡，凡長十餘丈，身尾相半，尾本褊薄，鱗鬣皆魚，惟有

鬚長二丈其足有赤膜翳之字文懋昭金志言冷水死二龍熙州野灤見龍三日瓜托一嬰兒阿保機見黑龍射之景煥曰孟蜀時什加井中火龍出是龍亦常見之物无恠古有豢龍氏其吉弔脂紫稍花則龍之精也言從海漂木上取之龍拔大木沈蟠故也南野間居錄言丁謂有龍精石贊寧曰龍爨得烟煤不散劉昌曰成化中得龍卵其堅如石按外紀李露鳥名厄馬卵可作杯今番舶所市龍卵即此物也

氏浮山此藏軒物理小識

清鏡桐方

淡水龍其形似蛇洋船用之置鹽水中則水自淡至若鹽龍則蕭注破南蠻所得養之盤中其鱗生鹽食之益陽者也同上

桃花浪黑雲起知為龍則焚蠶殼等諸臭物卻之或洒青礬尖浪起洒犬血劉薦叔曰海舵師知龍起但雷金鼓知颶狂二月後四月前故四月後開洋洪芻恠洋記亦言鉦鼓弓矢叫譟卻龍事魚龍畏鐵鐵辛害目故橋堤鑄鐵牛鐵蜈武功章秋治水以鐵柱貫釜塞水源遂成平陸南昌沙地故以鐵樹鐵鎖填之

上同

龍鱗蟲三百六十龍為之長卵生思抱說文龍春分  
登天秋分潛淵能幽能明能細能巨能短能長擗雅  
龍鱗八十有一具九九之數陽之極也龍火得溼則  
焰得水則燔以人火逐之即息廣雅有鱗曰蛟龍有  
翼曰應龍有角曰虬龍無角曰螭龍未升天曰蟠龍  
或曰龍無耳故以角聽論衡龍頭上有骨如博山形  
名尺木無尺木不能升天韓非說難篇龍領下有逆  
鱗人嬰之則殺人人主亦有之說者能無嬰人主之

逆鱗則幾矣又世傳龍生九子不成龍各有所好一  
曰夔夔形似龜好負重今石碑下趺是也二曰螭吻  
形似獸性好望今屋上獸頭是也三曰蒲牢形似龍  
而小性好吼今鐘上紐是也四曰狴犴形似虎有威  
力故大子獄門五曰饕餮好飲食故大子鼎蓋六曰  
蚣蝮性好水故大子橋柱七曰睚眦性好殺故大子  
刀環八曰金猊形似獅性好煙火故大子香爐九曰  
椒圖形似螺蚌性好閉故大子門鋪首又有金吾形  
似美人首尾似魚有兩翼故用警巡楊慎言弘治中

庶物類纂 卷四

蛇屬

龍

十二

孝廟御書小帖以問內閣李文正據羅玘劉緒之言具疏奏對如此

清廖文英正字通

海語弘治間有船欲販占城中二人將即山而薪船主夢神曰明月砍山須多累鹽或笑或不信船主曰第人負十許片何礙衆從之衆二快馬即山山麓石潭深不可測衆分明而攻日西山下聲殷殷而雷衆謂是必有異升木而伺俄有巨蛇蜿蜒幾五丈色黑目如炬山巔奮迅下沒潭觸石崩頂故如雷有蜈蚣長可七尺騰躍逐之旋潭蹠蹠尾端毒沫時時射潭

水色如油潭面火燄尺許熟視自蜈蚣甲出夜分循山而去光燭山谷遲明下視蛇跼踏死衆曰累鹽之夢寔神貺也以藤纜聯巨鐵鈎出平野皮厚如黃牛革節中壅白醃肉滿船腹鳴龔船過見其皮問價幾何給曰五十金如數付之又問肉價曰百金又付之問此何用曰漢兒不識寶耳是乃龍也其皮鞞鼓聲聞二十里皮中七鼓一鼓即償今值肉以為鮮貨于國中且不知值又幾倍矣船主懊恨自咎其不善賈也

清來元成博學彙書



南部新書云龍之性麗猛而畏蠟燭玉及空青而嗜燒鷲肉故食燕肉人不可渡海梁四公傳將燒燕五百枚以奉守珠之龍女者是也朝鮮志云朝鮮扶餘縣扶蘓山下有一恠石跨于江渚石上有龍攫之跡諺傳唐高時蘓定方伐百濟臨江欲渡忽風雨大作以白馬為餌釣得一龍須臾開霽遂渡師伐之故江曰白馬岩曰釣龍臺是龍既嗜燕肉又嗜白馬肉兵法苑云貞觀十八年汶水縣天雷震雲中落下一石大如碓嘴脊高腹平縣丞張孝靜奏聞時有西域磨

伽佗菩提等長年師到西京頗推博識勅問之云是龍食二龍相爭故下耳括地志云龍池之山四方高中有池方七百里群龍居之多五花樹羣龍食之去會替四萬五千里然則龍之所食又有此二種耶上同朝野紀畧云正德年中夏有龍墮于陝西乾州長數十丈目光如火開闔閃閃可畏四足據地而行五里許得井水飛去既而其村多疫死殆不祥也上同靈怪集云太尉房瑄嘗修學終南山谷中間忽聞聲若戛銅器之聲蓋未之前聞也問父老云此龍吟也

不久雨至，兵瑄望之，冉冉雲氣，彌漫果驟，雨自雨，再聞微驗，不差。後將金鉢，宴之，為偽龍吟云。同上  
僧契嵩，鐔津集云：吾年十九時，往吾邑之寧鳳鄉，至姚道姑舍。姑異人也，留數日，遂聞其舍之山，有聲發于陂池之間，春然若振大鐘者。數吾初怪，此非有鐘可聲，以問道。姑曰：異乎！此龍吟也。聞此者，大瑞。子後必好道。姑處，子時嘗取水溪中，身感龍祭，及人體之夕，龍光發于房，女子即亡之，而還不樂家居。鄉人神之，遂結精廬于山中，自少精潔齋戒，頗逆道人。


問吉凶多驗，今年六十不復道吉，凶事處高樓，專誦妙法蓮花經，數萬言，日夜必數帙。吾嘗問其所以，授經曰：嫗少時嘗有神僧，乘虛而來教嫗耳。故知其所謂龍吟者，不妄也。同上  
第山龍池，池不甚廣，小，黑龍十數游其中，長僅三寸，昂首四足，目睛爛然，腹有丹書，而無牝牡。蓋蜥蜴類，歲旱禱雨，輒應。今重午日祀山神，而龍則以驚蟄下。  
海內奇觀  
章帝建初五年，零陵八黃龍見湘水，去邑七里水上。

聚石曰燕室丘臨水有狹山其下岩淦深不測二黃龍見長出十六丈身大於馬拳頭顧望狀如圖中畫龍燕室丘民皆觀見之去龍可數十步又見狀如駒馬大小凡六出水游戲陵上蓋二龍之子也并二龍為八出移一時乃復入水零陵縣志湮塘王元弼名勝記曰塘在東北百餘里外其深沉不可測相傳昔年有一民得一鰻魚將烹而食一老人相告曰爾勿烹此鰻并不可食此即湘江之龍也爾當放諸塘中民不聽將操刃即風雨四起鰻遂不

見一時村之民皆陷噫我聞龍有德之物也何陷人若是是人之先欲烹之之故也龍也豈耳與人食耶湮塘之名自此始同上


明憲宗成化十年三月大風拔木治南棟椽有飄飛


日樹間掛巨鱗長鬣或疑為龍方伯陳煒蒞縣賑恤○豐城縣志



庶物類纂蛇屬卷之五

龍





龍

萬曆丁酉六月初資福寺大雄殿藥師佛頂上所塑泥龍以化去時寺中霧氣火光霹靂一聲鉄綿燒融泥龍遂碎近東山樑邊開一孔大如升遠望者見一黑龍奮飛入天不知幾十丈及明就泥龍而看其腹之蟠處不過寸許時硫黃餘氣經日不散觸樹皆枯

潁州志

潁人少泰郭公騰霄昇登天順庚辰第為縣時一侍吏在旁大笑公作怒吏跪稟已有靈報門外老王跌

爛豆腐、吏笑此瑣事也。公遣人覲之，杲然，因以術進。一樟木童子也。公魁岸有識，又獲此異事，皆預知人。遂神之。及主政都水司，出脩呂梁洪，江南漕米四百萬石，白糙粳一十八萬石，艘一萬三千隻，俱由洪達。舊多巨石巖，寧縣水三十丈，環流九十里，運艘磕壞，沉沒者甚多。公因與童計，童曰：下有龍窩，龍性畏鉄，若用巨筏融鉄，焯水中，龍必遠逸。仍募習水性者，鑿去翻船石，運艘履平，軍甚便之。樟童與有力焉。今洪上有郭公祠，碑公致事家居，里人隱微事，童悉報。

之公卒，童子日夜哭，尋主人家屬，達曰：主人不在，予今卽主人也。童曰：吾與主人有緣，爾等福薄，安能有我。遂鎖之，笥聲不絕。後授於江右，日者不知所在。同上明經徐良莊名潤，幼釣于潁東黑龍潭，奉竿得一物，手足頭尾皆肖人，黃色尺許。公熟視曰：鱗族人，貌得非龍種耶？柰何貪吾餌，遂放之。夜夢一黃衣叟，高準長鬚，謝曰：我龍也。幼子遊戲河滸，誤吞公鈎，感恩何以報。後世必有昌者。同上

順治三年夏，有龍二起于明倫堂之西墻。

臨清志州

蒼山縣西南三十里山勢峻拔上有泉曰白龍潭傳云昔陳希夷曾隱于此有白龍教以螻法潭方廣不一二丈水深僅及胛而淙淙石罅間去來莫測也中有龍子長三四寸許紺背而丹腹平時人自水中弄之出水即不復動郡每禱雨恒請龍其中即匿不可見潭旁產茶香瘳獨異即以潭水淪之乳花凝白蘭氣襲芬經宿不變真佳品也康熙拾壹年州守夏瑞禱雨于此碑文載入藝文和州志龍山洞縣東三十里內有潛龍蟠屈之跡爪甲隱然

石鐘石鼓聲皆宛似建德縣志

白龍變人澧州龍潭寺唐睦州黃明遠居此善誦度人經每晚有一叟來聽明遠俟經畢問姓名輒不見一日叟跪告曰吾橫山潺水洞白龍也有過見責上帝藉托宅西小池一年兵且夕荷君經功今得脫解復歸故洞明年當大早有符篆一道以酬君德依此祈禱當得感應言已去次年果旱明遠設壇祝禱持符篆往洞取水歸遂得大雨壇前有魚蝦是夕夢叟謂曰今歲大旱上帝勅開江河溪洞吾昨於官坡堰

取水以應君求毋再瀆也。覺視堰果洞小池尚存水。極清冷。夏月生金蓮花。人多賞玩云。湖廣通志

龍鬪陶弼。永州人。遊吳中舟行。忽雙鯉戲溪上。竚觀之。傍一老父曰。此龍也。行且鬪。君宜亟去。去百步許。雷大震。而岸圯木拔。溺二十餘艘。弼舟獨完。同上

機謹按零陵縣志。艘弼之間有而字。

龍堤東安唐遜。未第時。家貧無廝役。躬拾薪。禾以養其母。嘗假館於城。一日自負禾歸。見江中有物。宛如一大堤。乃雲橫也。近視之。鱗甲燦然。歸語其母。母曰。

此必龍也。吾兒今年當第乎。迨秋遜果高捷。時洪武

丙子歲。同上

燒龍天。復中澧州葉源村民鄧氏子。燒天井中所積柴草。火勢既盛。龍突出。騰在半空。縈帶積草為火。所燎。風力轉盛。狂焰彌熾。擺之不落。竟仆地而斃。長更數百步。村民徙居避之。同上

機謹按岳州府志。引北夢瑣言。文同。

六月十七日。明興獻帝忌辰也。每年於是日。多官謁陵。拜祭。崇禎壬午年。衆官方拜。雷雨大作。頃刻水深。



數尺有龍隨水而出壞人畜衆皆抱樹而免次年賊

遂陷城上同

萬曆三十二年十一月初九夜地震二十九夜龍卧

丹山人皆見之象山縣志

明嘉靖元年夏龍書見餘姚附子湖頭甬俱見壞民

居拔木害稼秋龍復書見餘姚孝義鄉鱗甲皆見萬

曆四十八年山陰有龍書見崇禎九年七月山陰龍

見尾觀者如堵紹興府志

天冊中龍乳于長沙人家啖雞雛占曰王者為庶人

之兆後孫皓降晉湖廣總志

嘉靖二十九年閏六月洞庭湖中五龍見鱗甲森然

尾極長細身大如柱先是湖西有二黑垂尾雲中少

頃湖南復有三龍見內一龍晶明盖白龍也城中雷

雨大作彼處但數點雨上同

承聖二年三月有两龍見湘州西江先時有二龍自

南郡城西升天五采分明故老竊相泣曰昔年龍見

遠康淮而天下大亂今復見禍至無日矣逾年帝果

遇害上同

萬曆十九年九月二十六日五更月平南金龍全身見隱隱上北光燦照人

淮安府志

晉太尉陶侃釣於雷澤得鉞梭挂於壁忽雷雨至化為龍而飛去

曹州志

萬曆三年春合郡苦旱五月十四日有龍自西北來至新市蔡家漾吸水頃時周三十里內雨盈尺七月初八夜大風雷雨有龍在新市賈人范雲龍店前起無一人知者明晨但見一穴光圓深奧至今僅揜其

口德清縣志

陳永定三年白龍見陳書廣州刺史歐陽頎表稱白龍見于州江南岸長數十丈大可八九圍歷州城西

道入天井岡

南海縣志

清潭寺新北里有松山又十里有潭洲然涎沫時沸凌波數丈則雷霆風雨暴不可避潦漲移月田廬漂溺民甚患之隋開皇三年梵僧闍那崖多曰此龍之變也宜峻佛祠以鎮之後十年乃建寺潭波帖妥耆父遂目曰清潭

三山志

仁壽里大帽仙峰接永福界有鼓聲或一月三五鳴

或不鳴經年雲常覆其上旱則禱之龍爪橋溪旁四  
爪痕旱禱即雨上同

保安上里大目溪崇慶院前豐澤潭相傳龍二年一  
興興則暴雨漲溪衝梁突岸乃以鉄纜纜之上鑄鉄  
佛縫罅皆藏鉄自此不為患上同

熙寧六年六月龍見於郡東方黑龍二北方白龍二  
雲氣盛作而不雨獨兼天寺前雨三寸志 姑蘇

金山有一龍穴常吐毒氣如霧有延之多病或斃大  
曆八年釋靈坦往居之毒遂滅鎮江府志

萬曆戊子七月地震平湖縣有白龍騰海上紅光半  
天沈修撰懋孝遙見龍首半垂鱗甲奮張兩角間有  
神金冠紫衣仗劍長尺許雲水騰沸咫尺晦冥龍忽  
戲吐頷下珠光色團圞大於斗嘉興府志

巢湖西晋初一日江漲港有巨魚漁者取以貨于市  
合郡食之有一媯獨不食遇一老叟曰此吾子也汝  
獨不食吾厚報汝若東門石龜目赤州城當陷媯信  
之日往視龜有童子訝之媯以實告稚子欺媯乃以  
朱傳龜目媯見即急出城城陷有童子曰吾龍子也

乃引燒登山而免廬州府志

泰定十七年六月晦龍鬪于樂清館頭江中火光如

毬上而復下颶風夾雨海潮漲溢民居漂盡死者萬

數温州府志

嘉靖二十二年秋平和清寧里龍見黑紅色飛入雲自北而東後時

沒既而大雨  
漳州府志

六月十三日明興獻帝忌辰也崇禎壬午年於是日

謁陵拜祭雷雨大作頃刻水深數尺有龍隨水而出

壞人畜衆皆抱樹得免安陸府志

大同十年夏龍墮延陵井中大如驢以戈刺之俄見

庭室中有大蛇如數百斛江南通志

宋紹興初朱勝非出守江州過梁山龍入其舟纜長

數寸赤背綠腹白尾黑爪甲目有光九江府志

宋紹興二十五年湖口縣赤龍橫水中如山寒風怒

濤覆舟數十艘溺死者衆同上

崇禎丙子年長山峰前龍藏其下路出其上一日風

雨晦冥迅雷掣電龍奮飛而去土開圻四五丈首大

尾小四肢宛然聚觀者數千有醫姓汪者于龍首伏

處取土煎冰片數斤至今傳焉高淳縣志

明萬曆十五年大水龍潭河中有巨木綠苔蒙茸首尾不可觀倏長數丈倏縮如坏土隱見往來數里間水忽湧起高于岸二尺許亦龍類也上同

象山縣東五十五里上有大路明崇禎九年三月忽風雨晦冥中起一龍土裂路分首尾鬚爪遺跡宛然約長三丈餘萬人往觀有醫士汪姓於其首伏處取土煎冰片數觔亦奇事也上同

機謹按江寧府志數觔作數升

孔水洞在大房山東北其上懸崖千尺其下石竇如門流水湧出深不可測時有白龍出游往往樵牧聞其絲竹之音房山縣志

陳高祖永定三年春正月白龍見按陳書刺史歐陽

州江南岸長數十丈大可八九圍歷州城西道入天井岡○番禺縣志

龍潭夜月治北在平坦中其水黑夜則光明如月相傳有龍潛於此筠連縣志

靈塘在茶鄉月江周迴里許中有潛龍時或見焉則有狂濤怒風背拱出水數丈鱗甲燦然觀者如堵

數日乃沒故老云前後見者不一但未露頭角今不

復見長沙府志

太乙寺城西南三里即古上清宮舊寺在德潤門內

唐太乙真君煉丹居此建元至元二十五年始遷寺

建宮今改為寺有泉名太乙池池有金龍長七寸許

常隱盛夏偶出磁盆浴之頭角鱗爪畢現同上

萬曆三十六年秋黑龍見於洋美鄉此地水不滿數

尺八月初十停午日霽天清三龍並見光芒射人須

臆雲生龍騰亦一異也惠來縣志

陶隱居稱茅山龍池右有方池丈餘育龍子宋祥符

間遣中使致祭使禱取一龍以獻因取其二緘閉器

中中道風雨遂失其一語具御製觀龍歌中今禱雨

皆驗閩黃孝翼遊茅山使道人導行披蒙翳中得小

池有小黑龍游藻間色如漆頭類蜥蜴腹下如丹砂

五爪微白神物變化信自古有之人謂龍子非至虔

莫覩孝翼獲觀甚以為異江寧府志

南北朝張僧繇常於金陵安樂寺畫四龍而不點睛

每云點之則飛去其人以為妄因請點之須臾雷電

破壁見二龍飛去未點睛者如故初吳曹不興圖青  
谿龍僧繇見而鄙之乃廣其象于龍泉亭大清中雷  
震龍泉亭遂失其壁乃知疑于神也晉瓦官寺梁開  
善寺俱有僧繇畫同上

白龍井在小隱山理安寺先是寺有旧井萬曆四十  
年白龍出井中改名曰白龍邑人周羔署對於上云  
白龍井上時當現元豹山頭出易塵相傳邑人馬邦  
良讀書于本寺一日見蜈蚣盈尺盤屈井上馬用石  
斃之蜈蚣故興龍攫珠者龍甚苦之未幾龍升井去

自山頂投馬以鹿所以報功也馬烹鹿食之是年遂

雋去富陽縣志

靈巖山一名湖南山杭州志在縣西一十里宣德旧志作二

里十山高一百八十丈杭州志作八十大峰巒秀麗岩壑幽奇

林木蕭森乃在霞氣之表山北有仁惠龍王廟宝山  
院齊永明中有僧曇超居杭之靈苑山有龍化為老  
人詣超曰吾龍也昆弟五人吾居其長邇鄉民耕山  
逼我居室群龍竝怒閉膏澤以害稼吾不忍民困苦  
聞師道行請至富春鹿山以化伏諸弟超允其請未

即往龍乃感夢於官民迎超至觀山結壇戒衆浮舟誦經兩大霑足前龍復請超居湖南山巖山峻不能降龍化為白馬載師以登至今石上馬跡猶存焉巖下有池名龍潭水中產一種四足五爪狀若蠃蜒土人號為龍子歲旱禱之則雨乾道四年縣令陸楠等相繼申請至嘉定三年冬賜號靈悟大師龍祠以仁惠為額今廢同上

明穆宗十二年五月三日夜半保縣南溝龍行光明如月聲如鼓吹硫黃氣逆鼻雷雨大作迄不為殃四川

縣志

嘉靖四十一年三月十二有黃白二龍合腹一青龍

隨之由太湖至峽石東南入海桐鄉縣志

淳祐二年縣令趙希恪禱雨于五洩東龍潭見一角

而雨諸暨縣志

嘉祐四年夏旱尚書王應宸王希呂安定郡王趙子濤禱雨于五洩龍現爪如人臂紅光射人同上

唐昭宗光化二年邑解有劉文龍井井中有龍窠將雨輒有雲氣自中出忽一道士稱自嵩山來取井中



龍窠及草藥去其後邑令黃馴嘗繫馬於井旁或止  
之不以爲意至歲餘令及馬皆瞽當陽縣志

龍母本江氏女也方笄未嫁浣紗水濱見水中一石

狀如卵文彩光瑩因取含之浣紗自若不覺吞之遂

有娠其腹異常父母疑其有私笞箠甚苦女不得已

至獲石所踰哭遂赴水死忽雲霧晦暝大雷電以風

其腹迸裂有蜥蜴出須臾成龍入海猶數回顧其母

云詳見龍母廟樂清縣志

順治九年七月五日白晝薄雲疎雨有九龍自龍穴

山起至蓮花峯經臣上臣下村迴翔數次而去東莞縣志

平灤風雨震霆而龍出當大水橫流樹連結而下俗

傳龍伐木蓋以構宮云夫龍水爲宮而以木構乎且

木夜行時遠望有燈爛然以爲神龍放光或云其暗

采乃爾今魚鱗夜能光况爲鱗之長乎其光何足爲

異又有以古榆朽朽得水則如火夫鑽燧改火取四

時之木不但老榆朽而火性在也凡樹千年者汁赤

以血木極則生火其象而爲血耳蓋龍出大風古木

拔而流飛沙從而壓之則以爲龍埋待用焉邊人有

能辨者當存而不論但通丙丁二歲有橋工而取木  
伐石多鎮撫急報功不卹軍勞困是役轉死溝壑及  
將領杖下者無數宜其致此天災災則不可以常論  
况龍之變化不測為災能辨其有無哉碣石  
叢談

二十九季洞庭湖中五龍並見巴陵  
縣志

元至正十九季大雨群龍變化而去者無數同上

正德辛未六月龍見黃浦東南所過焦禾壞屋有項  
氏者壓死男女七人一人被撲起入空而墜上海  
縣志

宋文帝元嘉二十五年是年五月廣陵興縣大浦清

有龍自湖升天太守范邈上言所領輿縣前有  
大浦清流潔纖鱗呈形故老相傳  
以為休瑞○揚州府志

明世宗嘉靖三十七年七月江都黑白二龍鬪起西  
南折

而東向大風盡晦星見所過折樹拔屋壞縣文廟西  
南角暨兩廡廟門民家器皿牕扉及津渡木梁盤舞  
空中百餘里外始墜○同上

弘治十八年完縣壇溪山洞中有龍白日飛出入于  
馬耳山洞中禱雨輒應五月新安河渠池沼悉震蕩

增高數尺久之乃定保定  
府志

十六年四月澄海龍戰一自東林至龍潭一自南洋  
至急水過處黑雲高擁○潮

州府志

章帝五年零陵湘水去邑七里水上聚石曰燕室丘  
臨水有狹山其下岩淦深不測二黃龍見長十六丈  
身大于馬舉頭顧望狀如圖中畫龍燕室丘民皆觀  
見之去龍可數十步又見狀如駒馬大小凡六出水  
遊戲陵上蓋二龍之子也竝二龍為八出移一時乃  
復入水中永州府志

明唐遜未第時家貧無廩役躬拾薪米以養其母嘗  
假館于城一日自負米歸見江中有物儼狀一大堤

乃雲橫也近視之鱗甲燦然歸語其母母曰此必龍  
也吾兒今年當第乎迨秋闈撤棘遜杲高捷時洪武  
丙子歲也同上

鄱陽峽山李氏婦壩守忽中堂地裂水湧有物蜚起  
婦取紅錦掛其角曰龍耶好去毋壞吾廬龍若俛伏  
漸去竟無湮沒太守李榮有記饒州府志

太中祥符元年五月龍墮餘千之李梅峰西麓大十  
七圍長十五丈黑質白文骨節脫七日不死里人章  
豹聞于有司屠之風雨暴作同上

燕  
物  
類  
集  
卷  
五



